

欽定石渠寶笈三編

欽定石渠寶笈三編

長春園獅子林藏

皇上御筆

書宋人梅花詩

一冊
辛酉

列朝名人書畫

元郭畀幽風介壽圖

一軸

明文嘉畫山水

一軸

明項聖謨畫古木竹石

一軸

本朝臣工書畫

王翬畫秋林積翠

一軸

諸升墨竹

一軸

蔡嘉秋林獨坐圖

一軸

于敏中書

高宗純皇帝御製平定徇部告成太學碑文

一冊

汪廷璣書

高宗純皇帝御製生春生夏生秋生冬詩

一冊

御書宋人梅花詩 一冊

本幅金粟牋本。摺裝四幅。皆縱三寸。橫五寸九分。

御筆楷書並識

衆芳搖落獨暄妍。占盡風情向小園。疎影橫斜水清淺。暗香浮動月黃昏。霜禽欲下先偷眼。粉蝶如知合斷魂。幸有微吟可相狎。不須檀板共金尊。剪綃零碎點酥乾。向背稀稠

畫亦難日薄縱甘春至晚霜深應怯夜來寒
澄鮮祇共鄰僧惜冷落猶嫌俗客看憶著江
南舊行路酒旗斜拂墮吟鞍

林逋山
園小梅

孤標

粲粲壓羣葩獨占春風管歲華幾樹參差江
上路數枝裝點野人家冰池照影何須月雪
岸間香不見花絕似林間隱君子自從幽處

作生涯

戴復古
梅花

嘉慶辛酉孟秋下澣澤蘭堂御筆鈴寶二嘉慶

鑒藏寶圖寶笈三編石渠寶笈所藏

元郭畀幽風介壽圖 一軸

本幅絹本。縱四尺七分。橫一尺五寸二分。設色畫。几列肴核。二老並坐舉觥。子婦侍。自書幽風句。六月食鬱及薺。七月亨葵及菽。八月剥棗。十月穫稻。為此春酒。以介眉壽。鈐印二。朱方郭畀。郭畀天錫。

鑒藏寶璽

五璽

寶笈三編

收傳印記二印漫漶。



!

1

明文嘉畫山水 一軸


本幅紙本。縱二尺六寸五分。橫一尺一分。淺設色。畫懸巖飛瀑。竹樹陰翳。二人偃坐磐石上。一童子臨流閒竚。鈐印三。文嘉之印。文休承氏。文水道人。

鑒藏寶璽 五璽 寶笈三編

明項聖謨畫古木竹石 一軸

本幅絹本。縱一尺六寸二分。橫一尺六寸淺。
設色畫古木竹石。自題。桴槎不計年。玲瓏高
數尺。此君更何如。超絕青雲客。項聖謨寫。鈴
印一。項易庵。

鑒藏寶璽 五 寶笈三編



王翬畫秋林積翠一軸

本幅紙本。縱一尺七寸八分。橫九寸六分。設色畫。嵐光松藹。蒼翠之中。間以丹林。自題大癡翁秋山積翠圖。庚午春日。撫於燕臺旅齋。虞山石谷子王翬鈐印三。王翬之印。石谷子上下千年。原題層巒天外碧嵯峨。結屋山坳少客過。老樹叅差千萬態。只愁殘葉受風多。款婁東王原祁鈐印二。麓臺古期齋。

鑒藏寶璽

五璽

寶笈三編

收傳印記石師道人

諸升墨竹一軸

本幅絹本。縱四尺七寸。橫二尺一寸。墨畫作款。己酉清和。寫為九韶道兄。諸升。鈐印二。諸升私印。曦菴。

鑒藏寶璽

五寶

寶笈三編

收傳印記。孫齡私印。湘人珍藏。孫秋士祕玩。

[illegible]

蔡嘉秋林獨坐圖 一軸

本幅紙本。縱二尺。橫一尺。墨畫老樹扶疎。一人幅巾坐石磴間。款蔡嘉畫。鈐印二。桐花館。
岑州

鑒藏寶璽

五璽

寶笈三編

[illegible]

于敏中書

高宗純皇帝御製平定獬部告成太學碑文一冊

本幅紙本。摺裝二十幅。皆縱三寸九分。橫五寸三分。楷書。

御製平定獬部告成太學碑文

文見續編

後跋

獬部既平。捷音至京師。

上親製碑文告成太學。臣敏中敬誦再四。仰見

天筆雄渾。元氣灝瀚。鎔典謨而驅雅頌。炳然天地大
文。函蓋今古。自出師以逮武成。網舉目張。苞
括洞達。而原本於

天之助順。往復丁寧。數致意焉。信乎

聖德合

天。動罔弗應。

鴻篇宣述。實有以徵感通之神彰。

景佑之篤。所繫為至大也。粵考古昔。策勲勒銘。率多

授簡臣下。擬議代言。故事鮮周知。詞或溢美。
今我

皇上躬灑宸翰。舉

宵旰決策制勝之定。於先幾成於

睿斷者。發為文章。得之心而應之手。杼軸所運。根柢
機鈴。猗歟盛矣。彼燕然山銘。瑣瑣焉無足稱
道。即韓愈平淮西碑。當時所推大手筆者。然
其地僅一隅。而撰述不免鋪張夸大。詎若

聖製之紀功絕域。據事實書。懸日月而不刊者哉。臣
幸於給札侍從之下。得瞻

御筆稿。朱文爛然。詞不加點。方驚。嗟。咋舌而不能已。
及恭聆

天語。則知挈壺計漏。固自申杪迄戌初而成者也。夫
未踰五年。拓地二萬餘里。不移晷刻。成文一
千七百餘言。

膚功

鉅作神速若此。洵所謂天授非人力歟。蓋非常之功。必待非常之

聖。亦惟非常之

文。乃能告非常之功。於以登諸琬琰。與

平定金川伊犁二碑。鼎峙橋門。頻水間。宏振鼓鐘。俯凌獵碣。以式多士。示四方。垂億萬年於無窮。

豈惟臣區區蠡筴所能揄揚萬一已耶。乾隆己卯冬十月。臣于敏中敬書恭跋。鈐印二臣。

中。

鑒藏寶璽

全五

璽

寶笈三編

汪廷璣書

高宗純皇帝御製生春生夏生秋生冬詩 一冊

本幅素牋本摺裝三十五幅皆縱六寸二分橫七寸一分楷書

御製生春生夏生秋生冬詩

并序詩序俱載續編

後跋

臣聞虞書四仲。定作訛成易之經。箕範五行。省寒燠雨暘之紀。令傳小正。察物候而知時。

詩述幽風。法天行而敬事。莫不準繩索篇。參贊苞符。顧敝當境以前民。未驗先幾以觀化。若夫邇稽朝典。博筦情田。綜溫肅之錯行。會陰陽之迭運。元為之體。誠至斯徵。欽惟我皇上道闡乾符。仁覃泰宇。統大生以知始。五辰協序於鴻淳。函廣生以作成。八表報豐於富媪。乃猶惜陰懇款。繼晷諄殷。抒

寶思於六義之間。揆

奎文於萬幾之暇。採唐賢之舊什。播大造之中聲。因
生秋而推行三時。爰體物而節宣四序。粵自
斗杓回子。啟六花三素之祥。星火殷南。壇玉
露銀雲之景。羽音納而角律。芳凌陰藏而葶
畦茁。攜紅牋而

錫福。綵帖宜年。啟黃道而朝正。

紫綸宣慶。樽稱

萱殿。三五夜圓月輪升。祀燦桃符。千萬家新雷響競。

暄融簪勝。日華晃耀於冰池。

恩飫承筐。玉食分頒於鼎鬯。由是

辛禋祈請。舞雲門而再展。

雩郊。

夏綸吉蠲。捧櫻盤而晉申。

薦寢。進治皮而治葛。涼襲朱英。易御羶而御絺。風搖

寶篋。筠簾調候。瞻黃屋而識

堯心。翠簟延清。聆銅籤而齊

舜瑄迨乎爽來

清禁雨霽層臺睇露積於稼場
眠霜林於野墅

鳳函

頌朔藩疆之畜牧乘時鰲柱奠維禋海之工德合度
宣迎土鼓洽饋歲於鄉風暖浹漳壤北負暄
於早旭物成而報敬諏吉以受

釐享備曰烝遵上

虞以申儆綈筵披奏

勤勅三餘。溫室凝和。迓麻肇歲。若夫藥欄花幙。挹階
英而更擷。籬香筍徑。蓮陂眄梧陰而遮。聞葍
響。遷早鶯於新綠。集時鳥於霏紅。麥藏雉而
魚噉。淵納蜃而蟲蟄。精藍磻岸。澄江過客之
思。曉鏡宵釭。綺戶授衣之緒。老稚嬰娛於佳
日。仙禪循習其遺風。境顯設而體微。世洽民
安。物阜韻甘。賡而準四義。歸地造天成。

德合貞元。體生機之亭育。

筆臚造化賅生物之端倪翕闢之理燦然
茂對之情備矣。臣榮依

禁近曲荷

栽培跪捧琳瑯贊頌莫由窺測翹瞻

雲日光華切效軒轅敬錄

全詩裝池一冊景至和於天保

九如長慶升恒仰

敷錫於元苞萬禩咸遊熙皞。臣汪廷璵拜手稽首恭

跋

鑒藏寶璽

全五

璽

寶笈三編

欽定石渠寶笈三編

長春園鑑圖藏

列朝名人書畫

元人嘉穀圖 一軸

本朝臣工書畫

成親王書

御製勤政箴 一軸

成親王畫盆蘭並書

御製盆蘭詩

一軸

董誥畫方輿寫勝

一冊

元人嘉穀圖 一軸

本幅紙本。縱三尺。橫一尺五寸五分。設色畫。瑞穀一本。五莖三十八穗。無款印。

玉池楷書

御製多稼如雲

四首以
題為韻

問余有何樂。所樂在時

和。省歲籌晴雨。力田茂麥禾。生民紀周雅。良耜

載豳歌。珠玉誠無用。惟祈萬寶多。尚儉屏雕

文。山邨地多暇。開墾數頃田。農功較春夏。引水

注陌阡。含風翻。穠穠。吾欲知民艱。漫嘲學耕稼。
稻畦依柳墅。隱約香風舒。長溪環壠畔。修蛇
運水車。轉幹盡巧思。盈科遍清渠。御苑驗農候。
江鄉景不如。較量稼穡事。漫尋花柳紛。映日
漾霞影。臨風皺穀紋。年稔書大有。民足衷方欣。
憑窗對畎畝。壓壠連黃雲。款。臣永理敬書。鈐

印二。臣永理

鑒藏寶璽

全五

寶笈三編

成親王書

御製勤政箴 一軸

本幅宣紙本縱一尺八寸五分橫九寸四分

楷書

御製勤政箴

前已款臣永理敬書鈐印二臣永理

鑒藏寶璽

五

寶

寶笈三編

[illegible]

成親王畫盆蘭並書

御製盆蘭詩一軸

本幅磁青紙本。縱二尺六寸。橫一尺二寸三分。三色泥金畫盆蘭並書。

御製盆蘭詩

九畹誰攜種。猗猗王者香。章身為楚佩。入夢兆
燕祥。漫俟光風轉。應殊凡蕙芳。一花多靜雅。晤
對與相忘。款。臣永理敬書恭繪。鈐印二。臣理。

鑒藏寶璽

全五璽

寶笈三編

董誥畫方輿寓勝 一冊

〔本幅〕紙本。摺裝十二幅。皆縱四寸四分。橫一尺六分。設色畫。各有楷書標題。一泰岱祥雲。二鳳城煙柳。三邗上桑麻。四武陵春暖。五建陽茗事。六嶧陽桐韻。七湘浦蓮謳。八淇園竹翠。九澄江印月。十桂嶺秋香。十一上塞瓊雲。十二羅浮香雪。款。臣董誥恭畫。鈐印二。臣誥。

御筆分題楷書

岱宗高峻接璣衡。蘊結祥雲觸石生。澤不崇朝
遍天下。甫田禾黍蔭繁榮。五鳳樓前淑景妍。
依依新柳起三眠。春城掩映真圖畫。風細煙輕
翠縷牽。崖碧溪清桃李華。春教都上遠桑麻。
遊人攜手尋芳徑。草綠平波一道斜。文德
來說武陵桃。花夾岸錦霞蒸。迷津無路奚能問。
落紙雲煙畫可憑。佳茗森深盛建陽。武夷溪
谷絕清氣。攜筐採英沿芳渚。雷後雨前事益忙。

秀毓嶧陽百尺桐。碧陰繁密草堂充。天風披拂聆清韻。妙合五絃古調中。朱華的爍絢三湘。翠線牽風萬縷長。滿浦蓮歌相和答。生涯宛在水雲鄉。千竿修竹節捎雲。有斐嘉生淇水濱。翠影青嵐互掩映。欣傳同氣管城君。玉宇無塵夜景悠。一輪月湧大江流。金波雪浪光澄潔。鏡印圓靈萬古秋。秋中丹桂綻芳林。馥郁天香布嶺岑。金粟離離欣遍滿。蟾宮別有一枝

尋上塞氣寒秋釀雪同雲冥漠六花飛瓊甃
粉萼綴巖木不碍周陞大合圍十月先開冷
豔留清香雪蕊絢羅浮山中高士尋芳信直到
瑤京最上頭庚午仲夏御題分鈐寶幾暇怡情
二重得佳趣二重會心不遠三重德充符三重重古香一重太
璞一重比德二重朗潤二重

鑒藏寶璽

五重全

寶笈三編嘉慶御覽之寶執兩用

中

欽定石渠寶笈三編

長春園如園藏

本朝臣工書畫

成親王書

御製為臣不易論

一卷

成親王書

御製皇清文穎續編序

一卷

成親王書

御製續纂詞林典故序 一軸

成親王書

御製四時衍慶圖詩 一軸

成親王書

御製唐花詩 一軸

表曰修書

高宗純皇帝御製七情箴 一冊

謝墉書

高宗純皇帝御製夢辨

一冊

彭元瑞書

高宗純皇帝御製詩

一冊

劉權之畫瑞煦瀛寰

一冊

劉權之畫山水

一冊

劉權之畫山水

一冊

董誥仿古山水

四冊

桂芳書

御製喜雪賦

一冊

桂芳臨陸贄奏議稿

一冊

黃鉞畫和豐協象

一冊

黃鉞畫九夏延清

一冊

張舒畫四時花卉

一冊

成親王書

御製為臣不易論一卷

本幅紙本縱一尺八分橫四尺三寸楷書

御製為臣不易論

前已款臣永理敬書鈐印二

永理

鑒藏寶璽

全五璽

寶笈三編

成親王書

御製皇清文頴續編序 一卷

本幅紙本縱一尺二寸八分橫四尺一寸隸書

御製皇清文頴續編序

日升月恒天之文也。川流岳峙地之文也。經世載道人之文也。觀乎人文以化成天下。文之義理大矣哉。稽古聖賢立言。其謨訓誥載在尚書。

制度官常著於周禮三代鴻文誠盡善矣漢唐
宋元明皆有鉅集如文類文粹文鑑文衡不可
殫述我大清受

上天之寶命開奕代之丕基

龍興東海

定鼎燕京式廓輿圖撫綏函夏

列聖右文成治敷教同風炳炳麟麟菁莪薈萃猗猗

盛哉乾隆九年

皇考繼

兩朝未竟之

志輯百年至穎之文編次成書釐為一百二十四卷

敬錄

聖祖

世宗詩文列於卷首

皇考聖製繼之諸王臣工次之

御書序文

命名皇清文類昭明有象垂裕無涯誠盛世同文之
極軌也甲子再週

文治益盛友集續編敬循

前則恭錄

皇考高宗純皇帝文十卷詩二十八卷冠於簡端用
光藝府我

皇考文三集詩五集久已頒行海宇是編特依舊則
手自抄錄誠所謂管窺蠡測奚能揄揚萬一哉

次則予幼時恭和詩篇及書窗日課擇取文四卷詩十二卷附於

聖製卷後而諸王臣工贊揚

駿烈賡酬

奎章湖虞廷喜起之歌邁唐代早朝之作文則清真雅正為宗詩以國風雅頌為本六十餘年進呈諸作燦然畢陳妙集千狐白腋萬選青錢得文五十卷詩五十八卷統成一百六十四卷較之

前編已羸四十卷矣。嗚呼創業以武，守成以文。古今之通義也。然文修武備，盛代之鴻猷。文恬武嬉，末世之敗則。予勉圖文治，克紹

武功，豈敢尚尋章摘句之虛文，稍忽沐雨櫛風之

實錄乎？知斯義者，可觀文穎館臣以序請，爰寫予意。

用誌歲月。款臣永理敬書，鈐印二。臣永理

鑒藏寶璽

五璽

寶笈三編

成親王書

御製續纂詞林典故序

軸

本幅紙本縱五尺七寸五分橫二尺五寸楷
書

乾隆戊辰詞林典故書成大學士張廷玉等以
序請

聖製弁於卷首輝騰東壁彩煥西清於千萬年敬稽
舊制洪惟我

皇考臨御六十載闡一道同風之盛治開

壽宇作人之嘉祥鴻才碩彥濟濟跼跼登芸署遊鳳池者以千萬計承

右文重道之澤敷郅治保邦之猷豈徒炫染才華研鍊詞賦而已哉前書僅八卷今自戊辰至嘉慶甲子又續增至六十四卷具昭儲才之盛彌欽化育之隆予小子敬承大業益疊求賢登玉堂之國士其思經世載道立言牖民務修根柢之學毋

尚虛車之飾。弼予蒞政。庶期化民成俗。實有厚望焉。乙丑仲冬月。大學士朱珪請序。敬闡。

皇考前序之深意。續書於後。以誌我朝木天之盛軌。奎壁珠輝。鳳池華翰。與四庫石渠同垂奕禩。永昭不朽矣。

御製續纂詞林典故序。臣永理敬書。鈐印二。臣永理。

鑒藏寶璽

金五璽

寶笈三編

卷一

一

二

三

四

五

六

七

八

九

十

十一

十二

十三

十四

十五

十六

十七

十八

十九

二十

二十一

二十二

二十三

二十四

二十五

二十六

二十七

二十八

二十九

三十

三十一

三十二

三十三

三十四

三十五

三十六

三十七

三十八

三十九

四十

四十一

四十二

四十三

四十四

四十五

四十六

四十七

四十八

四十九

五十

五十一

五十二

五十三

五十四

五十五

五十六

五十七

五十八

五十九

六十

六十一

六十二

六十三

六十四

六十五

六十六

六十七

六十八

六十九

七十

七十一

七十二

七十三

七十四

七十五

七十六

七十七

七十八

七十九

八十

八十一

八十二

八十三

八十四

八十五

八十六

八十七

八十八

八十九

九十

九十一

九十二

九十三

九十四

九十五

九十六

九十七

九十八

九十九

成親王書

御製四時衍慶圖詩一軸

〔本幅〕宣紙本縱五尺五寸二分橫一尺八寸七分楷書

開韶清景遍戶庭生機活潑麗始青一家共祝
團圓節老翁衍慶過百齡階除環繞兒孫滿吉
爆騰輝振律管盈寧同沐大鈞恩煦姬陽和樂
飽煖清和初屆時序更卉木蕃廡荷大生三

春最喜膏澤。民潤物欣欣。皆向榮。老叟攜孫過
南畝。自課耕耘期大有。農家之樂在慶豐。歲首
乞漿喜得酒。耕耘勤苦經三時。涼颼初動少
皞司。西疇多稼將成候。所欣春夏暘雨宜。金井
高梧一葉飄。漸看陌柳綠褪條。老農倚門待刈
穫。兒孫隴上羣遊遨。萬寶收畢倉箱盈。村南
村北穡事成。于茅索綯亟乘屋。躋堂五世稱兒
孫。老翁幸際仁壽世。亥字重週百廿歲。桃符吉

爆震春聲東郊又轉韶華麗

御製四時衍慶圖臣永理敬書鈐印二臣永理

鑒藏寶璽

五冊全

寶笈三編



成親王書

御製唐花詩 一軸

本幅羅紋綾本縱五尺一寸五分橫二尺五寸楷書

春轉東皇第一花全憑烘染出鉛華待他廿四
番風後魏紫姚黃燦萬葩壯鄧尉春光臘底

迴一枝先報檻前梅十分香透三分雪是色還

空莫浪猜 梅

冉冉飛仙洛浦來霓旌霞珮白

暄暄遙思吳下春燈盛賽社人從游墅回

水仙

疑是漁舟到武陵片時雲蔚與霞蒸比紅畧遜

天桃色硯北依依香暗升

紅梅

御製唐花四首臣永理敬書鈴印二臣永理

鑒藏寶璽

五璽

寶笈三編

表曰修書

高宗純皇帝御製七情箴

一冊

本幅紙本摺裝八幅皆縱三寸一分橫四寸
四分行楷書

御製七情箴

前已
恭載

後跋

聖人之情見乎辭此七情箴本中和為位育直與天
地同流矣六箴皆戒其太過獨懼字一箴只

言當懼此真敬

天之學有旨哉有旨哉臣表曰修敬書恭跼鈴印一

修

鑒藏寶璽

五璽全

寶笈三編

謝壩書

高宗純皇帝御製夢辨一冊

本幅紙本摺裝十五幅皆縱五寸三分橫六寸四分篆書

御製夢辨

文見續編

後跋

臣聞聖人之心以行道為急聖人之學以明理為先伏讀

御製夢辨以不復夢見周公即為歎道之不行旨哉
聖人之言之明於理也夫以文害辭以辭害志說詩
者戒之矧其執聖人之經以逆聖人之意而
以孔子為果常夢見周公則於孔子志在行
道之意轉有扞格焉熟繹

聖訓以為夢見非真夢見也夫人生平之所未嘗見
者即夢中之所無從見也以是破羣言之謬
開千古之蒙而後此章之旨明而後孔子行

道之心益明。抑臣更伏而念之。孔子以不能行道。而其言亦久而不明於天下後世。我

皇上以聖人在位。道濟天下。道之行也。即理之明也。以不得位。不能行道之聖人。而其言亦遂不能明於天下後世。必遇夫得位行道之

聖人。而後其言之理始明。然則先聖

後聖。有得行其道。與不得行其道之異。而其理終無不明也。故曰。待其人而後行。亦待其人而後

明也歟臣謝墉敬書恭跋鈐印二臣墉敬書

鑒藏寶璽

全五璽

寶笈三編

彭元瑞書

高宗純皇帝御製詩一冊

本幅紙本摺裝十幅皆縱三寸二分橫五寸七分楷書

御製詩

射八韻已有度紫籙韶昌九品正資宣對黃間春永
四侯爰肄幾間當御耦之催班更宛人之入侍既
掄才而授位三五聯行喜弓燥而手柔疊雙呼雋

前者蕃王負弩曾陪靈囿三驅今焉屬國奉琛復
觀和門九節念茲觀德為國朝所素嫻雖值率賓
敢

家法之稍懈非誇獨擅略示大端園門曰出入賢

良

正大光明殿前正門
名皇考御額也

理事恒茲引對款多士惟

殷斯籲俊遠夷兼值彼來王綵籤器使掄庶位驛

角親彎試廣場志正體平力奚主執專藝熟中

去聲

還常

是日發二十矢中十八
一天正中五層之中的

示之所向傾心服

命以同為到手忙

時命答薩克能射者均得預列及毅弓注矢動不成箭蓋外夷

或有習弓矢者然較之滿洲索倫相去不啻逕庭詎止朝儀決宴樂要令

平廟略警張皇

外夷惟知重武宴會百戲彼雖樂觀終不若示以射獵彼乃誠心悅

服不敢輕視中國故朕每於此至至焉

恬文嬉武風為戒

祖制

天庥敢不覆珥筆儒臣從紀盛自予

家法奉無疆 出入賢良門觀射疊己卯詩韻

己酉

奎畫四言垂訓良

心殷董正企明駮率因佐治吉惟士用以淑民道在

王每歲詰戎臨發駕預期觀德試當場昔曾親御

勵無逸今則坐憑愧異常

向年每遇校射必先親御弧矢示衆自庚辰臂

痛後遂疎步射時以為愧

幼即精勤五射習耄猶劬茲萬幾忙

卅年示度哈薩

平部已卯春於此閱射惟時哈薩聲部克入親是日親發二十矢中

十八天閱今正三十年矣彼雖樂觀百戲不若示以射藝使彼不敢輕視中國予之所以遵祖

制而遵

天諸衛如教

平貞觀皇唐太宗日引諸衛將士教

射於殿廷親臨試之且曰無事為爾等師有事為爾等將

迅矣居諸誠足惜昂

哉宵旰此仍獲曾元聰聽加之意永保

天庥四海疆款臣彭元瑞敬書鈐印二臣瑞

後跋

乾隆五十四年四月十九日兵部直班奏事
上御出入賢良門校射臣在列預觀敬賦七言律詩
四章謹附書冊末恭呈

御覽伏候

聖誨

仁壽君王自神武滿珠長技舊敦龐弦桑剌棘超三
古已鵠寧侯正萬邦鷺序兩班弓可試龍文
百斛鼎皆扛

大西門外卅年事

四什詩成矢十雙

山莊

飴侍昔

恩覃十二

冲齡妙已諳揚解尼山天固縱論弓貞觀德多慙弦
驚準部連回部指落川南又海南

八表上蘭猶殪虎期門獵罷每能談

御苑清和景物佳箭聲間漏報辰牌晷長繖轉侵
欄影墀廣陰濃接柳街鳩雨足時雲被畝雉
溝流處樂當階

天門詠蕩宜

觀射上巳華林詎足偕

臨軒穆若頻

咨政侍列斌如儼立監中擅疊三邀

上賞善掄十五入頭銜影纓世僕

恩常逮

汪承霽張若淳俱以舊臣之子恩賜花翎

賜坐耆臣禮不凡

七十以上優待老臣每於年

彛訓殷勤

貽慎守萬年

家法衍登咸臣彭元瑞恭譔鈴印二臣瑞

鑒藏寶璽

全五璽

寶笈三編



劉權之畫瑞照瀛寰 一冊

本幅絹本摺裝十六幅皆縱三寸三分橫九寸六分設色畫山水各有隸書標題一閬苑春晴二洞庭秋曉三黃海波恬四赤城霞起五匡廬聽瀑六靈鷲觀濤七梅嶺尋芳八桃源問渡九滕閣吟風十庾樓嘯月十一禹穴探奇十二焦巖眺遠十三虎溪僧話十四牛渚漁謳十五岱嶽朝暾十六峨眉霽雪款臣

劉權之恭繪鈐印二臣劉權之

御筆分題楷書

膏澤覃敷閭苑中春和晴煦物熙融臨溪殿閣
籠韶景千縷翠條萬蕊紅八月湖波浩洞庭
澄鮮秋宇曉揚舲涵虛縹渺環洲嶼雲外君山
一抹青滌淤宣滯治河原黃水朝宗達海門
循軌安瀾咸暢順淮通漕利定黎元天台境
若畫圖呈燦爛朱霞起赤城凌宇建標輝四極

卿雲同現大光明。方輿勝概紀匡廬。玉瀑千尋落太虛。界道飛流相蕩激。畫中人疑意安舒。飛來靈鷲插雲高。亭俯秋江萬疊濤。起絕吳傾怒未息。雄聲千古自滔滔。白雪先春渥澤洋。嶺梅全放百株芳。臨崖覓友尋佳信。鼻觀靜參得暗香。流水桃花古洞春。無心偶遇避秦人。南陽重訪真癡絕。世相縈牽漫問津。滕王高閣勢崇隆。九日登臨四座充。天使英才談文

藻江神特送一帆風

武昌佳話紀南樓月夜

同登逸興悠僚屬友朋相宴會由來典午尚風

流好古欣探禹穴奇石經未得舊編遺研磨

勉效平成績六府孔修合措施金山東北峙

焦巖古寺深幽境隔凡廿八年前曾眺覽迴思

塵跡畫中帆隨緣住錫十方後豈有於菟阻

度溪送客翻資談笑柄從今行脚覺羣迷漁

謳清越扁舟送牛渚磯邊翠靄低軼事相傳晉

溫嶠幽明道別漫燃犀
出震巖巖岱嶽尊峯

凌天闕見朝暎辰年戌歲兩登陟紀勝拈吟舊

集存
六花飛灑遍峩嶻素繪岡巒積粉蕤三

白呈祥欣餞臘願同遐邇普繁滋壬申孟春御

題分鈐寶會心不遠重德充符幾暇怡情

鑒藏寶璽五璽寶笈三編嘉慶御覽之寶惟幾惟

康

--	--	--	--	--	--	--	--

劉權之畫山水一冊

本幅推蓬裝十二對幅皆縱三寸六分橫六寸下幅絹本設色畫各有隸書標題一夏崦餘霞二夏軫來薰三夏閣生寒四夏汀垂釣五夏林滿蔭六夏峯洗碧七夏溪晚渡八夏巖晴曉九夏田鋪綠十夏村遠眺十一夏雲舒嶺十二夏濤消暑款臣劉權之恭繪鈐印二臣劉權之上幅灑金箋本

御筆分題楷書

雨過晴霞燦虛明。挹遠空。風翻林影碧。日襯渚
光紅。映帶遙汀淨。迷離極浦融。波痕連曲崦。薄
靄送輕篷。延爽五絃拂南薰。靜裏來清音。生
淨几。天籟下高槐。玉軫徐調韻。瑤徽低印苔。滿
庭綠陰寂。一曲午風回。草閣臨江岸。波深接
遠灘。薰合全却暑。雨斂倍生寒。林拂千章爽。天
開百里寬。片帆度前渚。隱約寫晴瀾。夏永溪

光淨垂綸坐野汀。竿懸蘆影碧絲蘊。浪花青對
影含虛朗。觀生悅性靈。洋洋樂濠濮。烟浦合空
冥。喬柯茂平渚。繁蔭布芳林。翠捲層崖曲。青
連遠岸潯。枝高風送爽。葉密影籠深。日永木天
靜。眠琴憩綠陰。溪山雲盡捲。出沐峙高峯。碧
挺風前黛。青開雨後容。凌空尤峭拔。印水倍深
濃。卓立清如洗。還連列岫重。長溪掩清樾。遠
嶠襯危磯。層疊連平野。蒼茫印夕暉。輕含晚霞

薄淡捲暮雲，稀暎渡臨青渚。扁舟載月歸，宵
雨初收宇。溪崖放曉晴，波光澄渚浩。松籟拂巖
清，凝碧詩情淡。點蒼畫意成，熹微涵曙色。一帶
翠屏橫。甫田甘雨足，萬頃綠雲鋪。嘉穎環岩
角，良苗布岸隅。松岡青遠接，柳渚翠低敷。滿壑
膏腴洽，斜連寺徑紆。村舍臨前渚，遙青隔岸
浮。戀光含浩渺，林黛卷清幽。衆植皆蕃夏，羣生
望有秋。老翁觀妙景，策杖翠崖頭。看雲坐碧

潯不覺度平林漠漠霏空厚
英英起澗深凝甘
昭有象出岫本無心
幻化奇峯矗凌虛倚遠岑
勝境原無暑喬松蔭綠皋
蕭森翻爽籟披拂
漾天濤豁目除煩潯清心
散鬱陶延薰塵堪靜
響徹衆峯高壬申季夏御題
分鈐寶幾暇怡情
一重得佳趣一重會心不遠
三重德充符二重澄觀一重漱
潤二重嘉慶御筆

鑒藏寶璽

五璽全

寶笈三編嘉慶御覽之寶執兩用

中

劉權之畫山水 一冊

本幅推蓬裝十二對幅皆縱三寸六分橫六寸下幅絹本設色畫各有隸書標題一夏雨膏原二夏池香泛三夏渚歸舸四夏巒聳翠五夏浦迎涼六夏泉拖素七夏岸濃陰八夏帆乘漲九夏篠延颺十夏亭佇月十一夏午疎鐘十二夏窗朝爽款臣劉權之恭繪鈐印二臣劉權之上幅灑金箋本

御筆分題楷書

繁滋生品彙。甘雨膏原田。渥澤欣時若。嘉霖沐
沛然。山青滴溪霧。雲白潤林烟。妙寫浮嵐景。收
來小幅全。水芳盛長夏。萬柄艷池荷。翠蓋擎
清浪。朱華燦錦波。遠香來淡雅。淨植漾婆娑。不
染淤泥厚。實成結子多。虛榭倚青澈。清延夏
景悠。碧林圓岸角。紅萼絢崖頭。望去千重轂。歸
來一葉舟。披帷已久待。更約泛芳洲。雨濯浮

埃淨峯巒濃翠添。晴雲籠錦幄。玉瀑掛晶簾。碧
染羣岩合。青連萬樹兼。聳霄接灝氣。惠澤遍敷
霑。清浦連天遠。迎薰納爽涼。一川拖浩渺。兩
岸蔭青蒼。林暉疎籬矮。崖橫遙渚長。披襟滌煩
暑。秋意滿陂塘。衆壑添新漲。縈青絕壁巔。千
崖積澍雨。百道挂飛泉。素練穿林繞。驪珠戩石
圓。爭流性就下。曲折匯成川。茅齋臨野渡。靜
坐午陰披。碧曳千絲密。翠拖萬縷垂。林稠遮岸

曲岩遠隔溪湄小艇過前渚徐看波影移宿
雨百川漲波光印遠空張帆欣破浪弭織快乘
風岸柳拖深綠崖葩綴淺紅浮游天水濶極浦
翠眉籠平坡修竹茂靜影漾猗猗萬个延清
籟千竿拂午颺碧筠含勁節翠篠挺貞姿心潔
數佳蔭世間暑不知宵景含清樾招涼憩小
亭徐看昇嶺白漸覺度林青雲送一輪月烟舍
幾點星佇欣光遍滿圓鏡燭羣靈蓮室禪關

靜悠然報午鐘鈴音和窸堵濤韻答長松聲度
清溪遠響沉翠嶂濃山莊境相印虛籟耳根逢
水閣延晨景虛窗映浦開熹微朝宇敞颯爽
曉風來林蔭繚而曲溪流往復回清涼含夜氣
心靜滌浮埃壬申季夏御題分鈴寶會心不遠
重德充符二重漱潤二重幾暇怡情二重得佳趣二重澄
觀一重嘉慶御筆

鑒藏寶璽

全五璽

寶笈三編嘉慶御覽之寶執兩用

中

董誥仿古山水

四冊

本幅紙本四冊每冊摺裝八幅皆縱七寸八分橫九寸三分畫四時景設色水墨相間各有隸書標題第一冊春景一草堂晴雪二碧溪新漲三浮嵐暖翠四曉山釀雨五烟柳重城六遠帆風正七杖藜探勝八疎林霽色第二冊夏景一連村綠暗二山靜日長三溪橋延客四竹亭清暑五荷香小墅六四岩飛雨

七香臺深蔚八歸漁曬網第三冊秋景一葭
岸漁莊二澄溪夕渡三楓徑柴門四陰崖觀
瀑五苔磯遠眺六塔影松濤七石屏錦樹八
平湖泛月第四冊冬景一蕭寺霜鐘二平楚
寒烟三石砭朔吹四蒼崖雪意五書寮迎曙
六喬木棲鴉七凍浦虛亭八羣峯積玉各冊
末幅款臣董誥恭畫鈐印二臣誥

冊內分鈐

高宗純皇帝寶璽乾隆御覽之寶

三重避暑山莊

下重

鑒藏寶璽

全

五

寶笈三編



桂芳書

御製喜雪賦 一冊

本幅紙本摺裝十幅皆縱一尺四分橫一尺二寸四分行楷書

御製喜雪賦

前已恭載

嘉慶十六年歲次辛未嘉平

臣

桂芳奉

敕敬書鈐印二臣桂芳印敬書

鑒藏寶璽

五璽全

寶笈三編嘉慶御覽之寶茂對時

育萬物

桂芳臨陸贄奏議藁一冊

本幅紙本。摺裝四幅。皆縱七寸一分。橫二尺二寸五分。行楷書。臣聞於經曰。濟濟多士。文王以寧。又曰。無曠庶官。天工人其代之。蓋謂士不可不多。官不可不備。敦付物以能之義。闡恭己無為之風。此理道得失之所由也。夫聖人之於愛才。不唯仄席求思而已。乃復引進以崇其術業。歷試以發其器能。旌善以重

其言優祿以全其操。歲月積久。聲實並豐。故詩序太平之君子。能長育人才。書比梓人之理材。既勤樸斲。惟施丹雘。禮著造士。易尚養賢。蓋以人皆含靈。唯所誘致。如玉之在璞。抵擲則瓦石。追琢則圭璋。如水之發源壅閼。則汙泥疏濬。則川沼。是以書傳所載。歷代同途。人之器局。有圓方大小之殊。官之典司。有難易閒劇之別。名稱有虛實之異。課績有升降

之差官不失才。才不失序。在乎制法以司契。擇人而秉鈞。制之不得厥中。則其法可更。而其契不可亂也。擇之不當所任。則其人可去。而其秉不可奪也。如或事多錯雜。任靡適從。而但役智以求精。勞神而救弊。則所救愈失。所求愈靡。每有闕官。選擇偶未愜懷。則又降擇其次。如是至於再。至於三。所選漸高。所得轉下。此求精太過之患也。耀乘之珠不能無

類連城之璧不能無瑕矧伊有情寧免愆吝
仲尼至聖也猶以五十學易無大過為言顏
子殆庶也尚稱不遠而復無祇悔為美況自
賢人以降哉故文宣之教曰赦小過舉賢才
管仲論鮑叔牙不可屬國曰聞人過終身不
忘然則棄瑕錄用者霸王之略記過遺才者
衰晚之源夫登進以懋庸黜退以懲過二者
迭用理如循環進而有過則示懲懲而改修

則復進既不廢法亦無棄人雖纖芥必懲而
才用不匱上無滯疑下無蓄怨俾人於變以
致時雍苟以一言忤犯一事過差遂從捐棄
則人才不能不乏風俗不能不偷此又嫉惡
太甚之患也君子約言小人先言君子之道
闇然而日章小人之道的然而日亡孔子曰
始吾於人也聽其言而信其行今吾於人也
察其言而觀其行又曰舉直措諸枉則民服

舉枉措諸直則民不服然則舉措不可以不
審言行不可以不稽呐呐寡言者未必愚喋
喋利口者未必智鄙樸犯忤者未必悖承順
愜洽者未必忠故明主不以辭盡人不以意
選士如或好善而不擇所用悅言而不驗所
行是舍繩墨而意裁曲直棄權衡而手揣重
輕雖甚精微不能無謬此又程墨乖方之患
也天之生物為用罕兼巧梓順輪桷之用故

枉直無廢材良御適險易之宜故駕驥無失
性物既如此人亦宜然造次求備曷能易得
帝王之盛莫盛唐虞臣佐之盛莫盛禹稷然
猶各任所能不務兼備蓋舉得其人任得其
所鑒擇審授慎之於初不求責於力分之外
不沮撓於局守之內是以事極其理人盡其
才如以一言稱愜為能而不核虛實以一事
違忤而不考忠邪升降任情使不量器職司

未當迄無成功此又取舍違理之患也必使
殊材不滯庶品有倫則君臣濟美功焯當時
矣唐陸贄奏議藁臣桂芳敬臨鈐印二臣桂
芳敬書

鑒藏寶璽

全五璽

寶笈三編嘉慶御覽之寶茂對時

育萬物

黃鉞畫和豐協象一冊

本幅紙本摺裝十二幅皆縱八寸二分橫一
尺一寸二分設色畫各有楷書標題一太平
臘鼓二富貴唐花三村社迎年四里閭饋歲
五黃羊祀竈六土牛鞭春七春帖傭書八葦
棚賣畫九花簇油牕十車填燈市十一三白
告豐十二五雲獻瑞款臣黃鉞恭畫鈐印二

臣鉞

御筆分題楷書

村童送臘樂豐亨。不識不知赤子情。豈為催花
頻擊鼓。團圓盡是太平聲。饋歲唐花火候催。
玉堂富貴慶春來。東皇化育勝人力。先發墻陰
一樹梅。板扉茅屋易春聯。祝願新年萬寶駢。
一片吉祥聲不斷。迎禧除耗喜連綿。冬狩山
林雉兔繁割鮮。置榼復攜樽。里閭相饋情周浹。
歡洽兒童笑倚門。至孝曾傳陰子方。自茲祀

竈用黃羊心期富足近於媼養福修身致熾昌

朝出土牛送臘寒紛陳儀衛彩旗攢進春紫

禁從民俗迎氣東郊京尹官

疏箋試墨寫宜

春村老傭書吉語陳錫福蒼生揮鳳管重華開

筆永遵循

葦棚連接煥桃符簇錦團花五色

數例事詞臣題畫軸椒屏帖子歲朝圖

玻璃

圓印列牕櫺花樣新裁若畫屏明潔凝輝室虛

白平原相映嫩莎青

上元燈市燦明霞紅樣

珠毬紙作車。不禁金吾同樂愷。非矜翦綵競奢
華。年前三白瑞誠真。玉積千村盈尺勻。滴粉

寒林映茅屋。吹幽黍谷迓新春。三素迴翔象

臺表。五雲紉縵鳳樓端。詞臣獻繪徵祥瑞。所願

年豐兆姓安。辛未嘉平御題分鈐寶嘉慶五萬

有同春。三嘉慶御筆。二

鑒藏寶璽

五

寶笈三編嘉慶御覽之寶茂對時

育萬物

黃鉞畫九夏延清 一冊

本幅紙本。摺裝九幅。皆縱四寸九分。橫八寸八分。設色畫。各有楷書標題。一夏山滴翠。二夏木聽鶻。三夏雲成峯。四夏雨迎梅。五夏溪垂釣。六夏曉荷香。七夏園竹醉。八夏夜對月。九夏村觀稼。款。臣黃鉞恭繪。鈐印二。臣鉞。

御筆分題楷書

翠滴峯巒新雨餘。柳溪映帶梵王居。遠山如繪。

連青渚。一葉扁舟泛碧渠。夏木陰陰籠翠堤。
苔裯隨意坐聽鶻。素心相約聆清韻。斗酒雙柑。
童子攜。白雲澗底吐英英。出岫無心態屢更。
濃淡隨風倏變幻。奇峯峭壁本天成。嵐烟歷。
渚雨繁滋。正是黃梅欲熟時。甘澤頻霑生品彙。
雲環村墅景迷離。翠眉浮影趁芳塘。汎汎清。
波一葦航。坐把綸竿舟不繫。萍踪長寄水雲鄉。
高柳含烟水榭虛。曠曉初日耀芙蕖。朱華翠。

蓋相輝映。靜挹遠香十里舒。披薰濯雨益清
姿。日永芳園竹醉時。綠篠猗猗間濃淡。畦分踈
密稍遷移。碧渚招涼夜景悠。銀蟾漸上柳枝
頭。清輝朗照溪崖徹。圓滿光華待素秋。時暘
時雨物咸亨。多稼如雲萬寶盈。沿陌暢觀農事
美。豐年有象兆西成。丙子仲夏御題分鈐寶會
心不遠。重德充符。重漱潤。重內府珍秘。幾暇怡
情。澄觀。重得佳趣。永寶用之。嘉慶御筆。

鑒藏寶璽

全五

寶笈三編執兩用中嘉慶御覽之

寶

張舒畫四時花卉 一冊

本幅紙本。摺裝四幅。皆縱七寸一分。橫二尺二寸五分。設色畫花卉。一桃柳。二牡丹。三菊。花枸杞。四蠟梅。天竹款。臣張舒恭畫。鈐印二。

鑒藏寶璽

五璽

寶笈三編

[illegible]